

NILKA FRANKA CANADORA

TERCER

ROND DI SONG FESTIVAL

PALM BEACH, 2 dec.- Otro bez bao di un interes enorme pa parti di publico a tuma lugar diadomingo tercer rond di e SONG-FESTIVAL ANTILLANO. E mihor tresnan den e festival aki ta Nilka Franka sigui pa Jewel Romney. Y Oscar Figueiroa kendenan tur dos a hanja e total di mes cantidad di punto for di hurado.

Di cuatro a bira Jossy Brokke, kende door di un fallo den su aparicion cu e microfono probablemente no a logra loke e merece. Pues Jossy Brokke un cantante di caliber pero sin volume grandi no a haci uso di e microfononan pa saca su voz. Door di esaki su

voz a sali mashazwak cu e resultado probablemente cu e hurado a mira esaki como un fallo. Pues tur cu conoce Jossy Brokke sabi cu e cantante aki endudablemente merede mas cu loke el a ricibi diadomingo ultimo, pero nos ta bolbe bisa cu probablemente ta

Jossy Brokke mes a causa esaki door di mal manipulacion cu e microfono, Placido Steward y Oville Thompson, y Trio Orquidia di Corsow. Gueststar tabata e cantante di tango Thaly Lopez,

"The Beatniks". E di cuatro rond rond ta tuma lugar dia diez tres venidero, mientras cu dia diez-cinco di december lo tin e final di e SONGFESTIVAL durante

di cual e hurado lo bai eligi e mihor cantante di e SONGFESTIVAL ANTILLANO organisa e anja aki. Entretanto e organisadornan ta tene un anochi bailable y diasabra venidero na cual tur e participantenan tin entrada gratis.

Entranto nos a worde informa cu nota imposibel cu Jossy Brokke lo actua den final pues parse cu Jewel Romney y Oscar Figueiroa a hanja e mes un cantidad di punto y originalmente nan mester a comparti di dos lugar nan dos hunto y asina Jossy di tres lugar. Na e momento aki e cuestion ta den estudio ainda y decision no a worde tuma ainda.

Como promer a sali den e di tres rond di e songfestival trio di hobenan. Srta. Franca su actuacion a ricibi masha hopi aplausa di e publico. Y lugar number uno for di hurado.

Srta. Jewel Romney a logra gana di dos lugar diadomingo ultimo y especialmente su actuacion a gana sympatia di e publico.

Na di tres lugar diadomingo ultimo a sali Oscar Figueiroa, un hoben cantante di musica moderno.

Gueststar e atardi tabata senor Thaly Lopez, kende a deleita e publico den Klompen Klub cu dos tango. Na piano e tabata acompaña pa Padu del Caribe y na baho pa Humphrey Kellymon.